

## FEMINAS

Feminas chi mi stimais, benedittas siais.  
 Tessidoras di arrezas di amori, feminas in dolori,  
 scendiendi, feminas generendi umanidadi.  
 Feminas de piedadi, addoloridas. Feminas donendi vidas  
 po nascentus, feminas in penzamentus abettendi cittidas,  
 feminas suffrendi scidas in cabizalis de lettu.  
 Feminas de rispettu, dignitas, feminas bellas, sposas  
 a ogus de velludu. Feminas di agiudu in is momentus grais,  
 feminas chi andais circhendi feri-feri, feminas de paneri  
 tostau, de mossiai. Feminas di abrazzai, de strumpai  
 cun sentidus, feminas di abarrai scidus a notti intera gosendi,  
 feminas chi prangendi mi stringeis, comentu mi 'oleis...  
 Feminas chi basais, chi mi donais amori e fantasias,  
 feminas ingelosias, ferenosas, feminas marigosas che latt e lua,  
 feminas de sol' 'e stua, callentis, coscias biancas,  
 sterridas, bintas, stancas, assuermadas.  
 Feminas chi debadas arregallais sa vida,  
 feminas a cara pulida, limpia che mizza frisca,  
 feminas terra de isca, di arai e seminais, feminas de stimai  
 candu donais sa titta a unu pipiu. Candu a su zugu miu  
 s'inci acconcais, benedittas siais, benedittas.  
 Feminas bellas de tittas, moddis, longas, tostadas,  
 feminas chi no seis torradas e chi no appu scaresciu,  
 feminas chi eis minesciu totu su de donai donendi totu,  
 feminas chi eis connotu e conosceis, feminas chi mi percurreis  
 in dogna pimpiridu, feminas a coru fridu, scitorau,  
 feminas chi a costau mi fadeis triniri, feminas chen' 'e bistiri,  
 sbregungias, feminas arrebugias, traitoras, feminas impostoras,  
 trapasseras, feminas banduleras, scaminadas, feminas  
 disisperadas...  
 Feminas de cunfortai, feminas di amai, de donai carinnius,  
 feminas fadendi sinnius, ingionungadas, feminas invocadas  
 a unu santu. Feminas de ispantu in totu s'umanidadi,  
 feminas po s'eternidadi, po bisus e poesias.  
 Feminas chi fadeis bivi', feminas  
 feminas mias.  
 Si stimu, siais amantis, mama, o sorris,  
 candu seis po sa vida, o po 'ndi morri'.

## FEMMINE

*Femmine che mi amate, siate voi benedette. / Tessitrici di reti d'amore, femmine che in dolore / partorite, femmine che generate l'umanità. / Femmine di pietà, addolorate. Femmine che donate la vita / per altre vite, femmine preoccupate in attesa, ammutolite, / femmine in sofferenza, sveglie ai piedi del letto. / Femmine di rispetto, dignitose, femmine belle, spose / dagli occhi di velluto. Femmine dell'aiuto nelle ore del bisogno, / femmine a rincorrere un sogno, vagabonde. Femmine chiappe rotonde, / dure da mordicchiare. Femmine da abbracciare, da stendere tra voglie, / femmine da tenere tutta la notte sveglie, / femmine che piangendo mi stringete, com'è che mi volete... / Femmine che bacciate, che mi donate amore e fantasia, / femmine in gelosie, inviperite, amare come veleno, / femmine al sole del grano, calde, le cosce bianche / distese, vinte, stanche ormai placate. / Femmine che regalate per nulla la vostra vita, / femmine dalla faccia pulita, limpida come sorgente, / femmine terra accogliente da arare e seminare, femmine da adorare / quando donate il seno ad un bambino. Quando al mio collo / vi aggrovigliate strette. Siate voi benedette, benedette... / Femmine dalle grandi tette, morbide, dure, allungate, / femmine che non siete ritornate e che non ho mai dimenticato. / Femmine che nel dare tutto, avete tutto meritato, / che avete conosciuto e conoscete, femmine che mi percorrete / ogni frammento, femmine cuore di vento gelido, di tramontana, / femmine senza sottana, che accanto mi fate vibrare, / femmine senza pudore, senza onore, bugiarde ingannatrici, / femmine calunniatrici, vagabonde scellerate, femmine disperate... / Femmine da confortare, femmine da stimare e carezzare, / quando in ginocchio pregate, quando meste invocate / i santi per la famiglia. Femmine di meraviglia per l'umanità. / Femmine per l'eternità, per sogni e poesie, / femmine che date vita, femmine / femmine mie. / Vi amo come siete, amanti, madri, sorelle, / per la vita e la morte, meravigliose, belle...*